



Province of the
EASTERN CAPE
EDUCATION

**NATIONAL
SENIOR CERTIFICATE**

IBANGA 12

SEPTEMBER 2017

**ISIXHOSA ULWIMI LOKUQALA
OLONGEZELELWEYO P3
IMEMORANDAM**

AMANQAKU: 100

Le memorandam inamaphepha ali-14.

ICANDELO A: IZINCOKO

IMIYALELO YOKUMAKISHA

Kweli CANDELO umviwa ukhetha isihloko sibe sinye. Ukuba ukhethhe zazibini makisha esokuqala.

QAPHELA: Umviwa angabhala naluphi udidi lwesincoko ngesihloko asikhethileyo. Ubude besincoko bumele ukuba kwisithuba samagama angama-190 ukuya kuma-240.

Sebenzisa irubriki esisihlomelo A ukumakisha isincoko.

UMBUZO 1

- 1.1 Isihloko: Iziyobisi
 Imo efanelekileyo: Intshayelelo, isiqu nesiphelo.
 Ulwimi: Luhambelana nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.
 Umxholo: **Umviwa angasebenzisa nawuphi kule mixholo ilandelayo.**
 Yintoni isiyobisi/uncedo oluza nesiyobisi/ukusetyenziswa gwenxa kweziyobisi/iziphumo zokuxhaphaza iziyobisi/ukunceda lowo usengxakini yeziyobisi.
 [Naziphi izimvo zomfundi ezisemxholweni ziya kwamkeleka] **[50]**
- 1.2 Isihloko: Andinakuze ndiphinde ndibamamele abahlobo
 Imo efanelekileyo: Intshayelelo, isiqu nesiphelo.
 Ulwimi: Luhambelana nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.
 Umxholo: **Umviwa angasebenzisa nawuphi kule mixholo ilandelayo.**
 Kwenzeka ntoni ngaloo mini/ukuzikhupha kwingxaki eyeza naloo mini/isifundo eseza naloo mini.
 [Naziphi izimvo zomfundi ezisemxholweni ziya kwamkeleka] **[50]**

- 1.3 Isihloko: Imali
 Imo efanelekileyo: Intshayelelo, isiqu nesiphelo.
 Ulwimi: Luhambelana nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.
- Umxholo: **Umviwa angasebenzisa nawuphi kule mixholo ilandelayo.**
- Umsebenzi wemali/okuhle okuza nemali/iingxaki eza nemali/ubomi ngaphandle kwemali/ubomi xa unemali.
- [Naziphi izimvo zomfundi ezisemxholweni ziya kwamkeleka] **[50]**
- 1.4 Isihloko: Itekhnoloji nemisebenzi
 Imo efanelekileyo: Intshayelelo, isiqu nesiphelo.
 Ulwimi: Luhambelana nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.
- Umxholo: **Umviwa angasebenzisa nawuphi kule mixholo ilandelayo.**
- Indima edlalwa yitekhnoloji ukwenza khaphukhaphu umsebenzi/ukunyusa iqondo lemveliso/ukonyuka koqoqosho/ukunciphisa inani labasebenzi neeyure zokusebenza.
- [Naziphi izimvo zomfundi ezisemxholweni ziya kwamkeleka] **[50]**
- 1.5 Isihloko: Ukubaluleka kokulondolozwa kwendalo
 Imo efanelekileyo: Intshayelelo, isiqu nesiphelo.
 Ulwimi: Luhambelana nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

Umxholo

Umviwa angasebenzisa nawuphi kule mixholo ilandelayo.

Angatyumba uhlobo oluthile lwendalo; umzekelo, izityalo, izilwanyana njalo-njalo/ angabhala ngendalo iyonke/ kubabuleke njani ukulondolozwa kwendalo?/kungenzeka ntoni xa inokungalandolozwa indalo?

[Naziphi izimvo zomfundi ezisemxholweni ziya kwamkeleka]

[50]

1.6 Isihloko:

Xa ndinokuphumelela ibanga leshumi elinesibini emagqabini

Imo efanelekileyo:
Ulwimi

Intshayelelo, isiqu nesiphelo.
Luhambelana nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

Umxholo

Umviwa angasebenzisa nawuphi kule mixholo ilandelayo.

Amathuba anokuwafumana/ukuzalisekiswa kwamaphupha/ulonwabo/ukukhuthaza abanye abafundi ukuze nabo baphumelele.

[Naziphi izimvo zomfundi ezisemxholweni ziya kwamkeleka]

[50]

1.7 Khetha umfanekiso ube MNYE kule ingezantsi ubhale isincoko. Nika isihloko isincoko sakho.

1.7.1 Isihloko:

Imo efanelekileyo: Intshayelelo, isiqu nesiphelo.

Ulwimi

Luhambelana nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

Umxholo

Umviwa angasebenzisa nawuphi kule mixholo ilandelayo.

Makabonise ulwazi ngesihloko asikhethileyo angathetha ngongcoliseko lomoya/ubungozi obuza nemizi-mveliso eluntwini/ukuchatshazelwa kwemozulu ngumongo-moya ophuma kwimizi-mveliso.

[Naziphi izimvo zomfundi ezisemxholweni ziya kwamkeleka]

[50]

1.7.2 Isihloko:

Imo efanelekileyo: Intshayelelo, isiqu nesiphelo.

Ulwimi Luhambelana nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

Umxholo **Umviwa angasebenzisa nawuphi kule mixholo ilandelayo.**

Makabonise ulwazi ngesihloko asikhethileyo/ukubaluleka kosapho/ukubaluleka kokumanyana kosapho/impumelelo yosapho isezandleni zosapho lulonke.

[Naziphi izimvo zomfundi ezisemxholweni ziya kwamkeleka]

[50]

IIMPAWU ZESINCOKO

Isincoko esibalisayo sibhalwa kumntu wokuqala okanye owesithathu.

- Makasebenzise ixesha eladlulayo/elidlulileyo aze athi ukuba unamandla alisebenzise nelimiyo.
- Makabonise ulwazi ngesihloko asikhethileyo.
- Abalinganiswa, isimo sentlalo, izizathu zokuhla kwezehlo ukuya kwisiphelo mazibonakale.
- Iziganeko zichazwe/zibaliswe ngokulandelelana kwazo okanye zicace ezingunobangela wezinye, kungenjalo xa enamandla angasebenzisa izixhobo ezifana nophuphelelo okanye ukuqala ngesenzo esingekeli/sokugqibela.
- Sisebenzisa amagama abonisa ixesha afana noo-emva, phambi, ngeli xesha.
- Sisebenzisa intetho yababini/ukuzithethela kwabalinganiswa.
- Ulwimi olusetyenzisiweyo malube lelokudala ifuthe kofunda isincoko, oluchukumisayo lungekrwada phofu.

[50]

Isincoko esichazayo sinokubhalwa ngokwexesha elidlulileyo okanye elangoku.

- Sichaza into/umntu/indawo/imeko njalo njalo.
- Sisebenzisa amagama okudala umfanekiso.
- Sisebenzisa izixhobo zokuchaza ezifana nezichazi, imifanekiso-ntelekelelo, izihlomelo, neziphuhliso ezifana nezifanekisozwi kwakunye nezafobe zentetho.
- Sisebenzisa imifanekiso-ntelekelelo nezafobe.
- Sivakalisa iimvakalelo zombhali.

[50]

Isincoko esicamngcayo:

- Siveza uvakalelo lombhali ngesigama esibonakalisa amava akhe.
- Siveza uchukumiseko ngomba ekubhalwa ngawo.
- Uvakalelo olungundoqo ludlala indima enkulu.
- Ubukhulu becala esi sincoko siyachaza. (Sisebenzisa izixhobo zokuchaza ezifana nezichazi, imifanekiso-ntelekelelo, izihlomelo, neziphuhliso ezifana nezifanekisozwi kwakunye nezafobe zentetho).
- Uvakalelo lombhali maluveze ukunyaniseka kunye nokubandakanyeka.

[50]

Kwisincoko esixoxayo inkcazelo engomba inokuba ngengxoxo ephambili.

- Umviwa uthatha icala ngomba othile.
- Uthotho lweengxoxo – oludla ngokuba kwimo engengcaciso ngeengongoma ezithile.
- Ukubethelela – isishwankathelo nokuphindelela kwinkcazelo engoluvo oluthile lokuvula.
- Kwingxoxo yakhe unika ubungqina obuxhasayo obusenokuba ngamanani okanye ukucaphula kumava anawo ayinyani.
- Usenokuxoxela okuthile echasa enika ubungqina obuxhasayo.
- Isiphelo sisenokuba sisishwankathelo neengcebiso.

[50]

Kwisincoko esivelela amacala omabini inkcazelo engomba inokuba ngengxoxo ephambili.

- Umviwa uwaphatha omabini amacala engxoxo.
- Uxoxela okuthile enika ubungqina obuxhasayo.
- Unokulandela isakhiwo esithi umhlathi umela uluvo oluvumayo, kolandelayo, luchase, kungenjalo avume ekuqaleni komhlathi ze achase ekupheleni, kodwa makalunike olwakhe uluvo xa evala.
- Isiphelo – isishwankathelo neengcebiso.
- Makabonise ulwazi ngesihloko nangomba axoxa ngawo.

[50]

AMANQAKU ECANDELO A: 50

ICANDELO B: IMIHLATHI EMIDE

IMIYALELO YOKUMAKISHA

- Kweli CANDELO umviwa ukhetha umhlathi omnye, ukuba ukhetha yangaphezu komnye makisha owokuqala.
- Ubude bomhlathi mabube ngamagama ali-80 ukuya kwi-100 umxholo kuphela.
- Sebenzisa irubriki esisihlomelo B ukumakisha lo mhlathi.

UMBUZO 2

2.1 ILETA YOBUHLOBO

Bhalela umhlobo wakho umbalisele ngetheko obumenywe kulo.

- Ineedilesi enye yombhali weleta ingasekunene kumantla ephepha ihambe nomhla.
- Idilesi ilandelwa sisibuliso esifanele ileta yobuhlobo.
- Emva kwesibuliso kulandela umcimbi engawo ileta leyo.
- Umxholo ube ngobe kusenzeka kwitheko elo umhlobo ebeye kulo.
- Makusetyenzizwe ithoni nerejista efanelekileyo.
- Kungaqukunjelwa ngendlela efanelekileyo kwileta yobuhlobo.
- Kwisiphelo kubhalwe, umhlobo wakho, kuze kulandelwe ngegama lombhali ngezantsi.
- **QAPHELA:** Makushiywe imigca phakathi kweedilesi, phakathi kwedilesi yombhali nesibuliso, phakathi kwesibuliso nentshayeleyo. Isiqu naso masahlulwahlulwe ngemihlathi.

[30]

2.2 IOBHITSHUWARI

Bhala iobhitshuwari yesihlobo sakho.

- Ibhalwa ngokomhlathi.
- Igama elipheleleyo lomntu oswelekileyo.
- Umhla wokuzalwa, indawo azalelwe kuyo, nabazali bakhe.
- Ukukhula kwakhe, ukufunda nokusebenza.
- Ukugula kwakhe.
- Umhla wokusweleka.
- Usapho alushiya ngasemva.
- Amazwi amkhaphayo aquka neziduko.

[30]

2.3 INQAKU LEPHEPHANDABA

Bhala inqaku lephephandaba lengingqi yakho unike iingcebiso malunga nokuziphatha ngexesha leholide kaDisemba.

- Isihloko masibe sifutshane sitsale umdla.
- Malinike ulwazi malunga nokuziphatha ngexesha leeholide zikaDisemba, lithi ndifunde.
- Malahlulwe ngokwezintlu(iikholam).
- Ubhalo lulungiselelwe lahlulwe ngokwemihlathi kubekho intshayelelo, isiqu nesiphelo.
- Makakhankanywe umbhali.
- Ithoni, isitayile zifaneleke.

[30]

2.4 INGXOXO YABABINI/IDAYALOGU

Bhala ingxoxo ephakathi kwabafundi ababini abaxoxa ngokubhatalwa nokungabhatalwa kwemali yokufunda edyunivesithi.

- Makabhale ingxoxo elungiselelweyo phakathi kwabantu ababini.
- Mekanike amagama ezithethi kwicala elisekhohlo ephepheni.
- Makashiye umgca ukwahlula intetho yesithethi ngasinye.
- Makangazifaki iimpawu zocaphulo.
- Makasebenzise umntu wokuqala.
- Ingxoxo ingaphumi emxholweni.
- Ithoni nolwimi luxhomekeke kubudlelwane phakathi kwezithethi nombha ekuxoxwa ngawo.
- Ulwimi olungekho sikweni lwamkelekile.
- Isiphelo sibalulekile.

[30]

AMANQAKU ECANDELO B: 30

ICANDELO C: IMIHLATHI EMIFUTSHANE**IMIYALELO YOKUMAKISHA**

- Kweli CANDELO umviwa ukhetha umhlathi omnye, ukuba ukhetha yangaphezu komnye makisha owokuqala.
- Ubude bomhlathi mabube ngamagama angama-60–80.
- Sebenzisa irubriki esisihlomelo C ukumakisha lo mhlathi.

UMBUZO 3**3.1 ISIBHENGEZO-NTENGISO**

Bhala isibhengezo-ntengiso semveliso efikayo kwishishini lakho.

- Masiyilwe ngendlela etsala iliso nengalibalekiyo engqondweni.
- Makusetyenziswe izafobe nezigaba zentetho ezidala ifuthe zenze nolwimi luhlale lukhumbuleka, umzekelo; isikweko, uphindaphindo, imfanozandi, isingqi, isingqisho njalo njalo.
- Uyilo nolwimi malwenze umthengi aqonde ukuba akanakuphoswa yile mveliso ithengiswayo.

[20]**3.2 IPOSIKHADI**

Bhalela umakazi wakho iposikhadi umbalisele ngohambo lwakho kwilizwe laphesheya kolwandle.

- Igama nedilesi yombhalelwa kwicala lasekunene.
- Umyalezo ekhohlo, phambi kokungena kumyalezo makabhale indawo abhala ekuyo nomhla.
- Ulwimi olungekho sikweni lwamkelekile.
- Isiphelo sifanelekileyo.

[20]**3.3 IZALATHISI**

Nceda umhlobo wakho osuka e*North End Railway station* umalathise indlela eya e*Nelson Mandela Bay Stadium* ahambe ngesitalato iGovan Mbeki.

- Phuma e*North End station* ungene ngomgaqo oyi*Mount*.
- Hamba ngqo ude ufike kwiindlela ezinqamlezileyo, ngena ngasekhohlo kwisitalato iGovan Mbeki.
- Qhubeka uhamba njalo udlule isitalato i*Brassel* ekunene.
- Hamba njalo ngeGovan Mbeki, dlula i*De Villiers* ekhohlo.
- Usahamba njalo uza kubona isikhululo samapolisa ekhohlo, hamba, ekunene ugqithe isitalato i*Broad*.
- Qhubeka uhamba njalo uza kudibana nesitalato i*Darling*, ngena kuso ujike ngasekhohlo.
- Qhubeka ngaso uwele isitalato i*North*.
- Gqitha i*Innes* ngasekunene ube sele ungena kwisitalato i*Alfred*.
- Xa use*Alfred* sele ujongene ngqo ne*Nelson Mandela Bay Stadium*, ufikile apho ubusiya khona

[20]

AMANQAKU ECANDELO C: 20
AMANQAKU EWONKE: 100

QAPHELA:

- Sebenzisa le rubriki rhoqo xa umakisha izincoko (Zephepha lesi-3, ICANDELO A).
- Amanqaku ukusukela kweli-0 ukuya kwangama-50 ahlulahlulwe ngokwamanqanaba amahlanu aphambili.
- Kwiikhrayitheriya yoMxholo, uLwimi neSimbo, inqanaba ngalinye kula mahlanu lahlulahlulwe lanomgangatho ongentla nongezantsi yanemimandla yamanqaku ahambelana nomgangatho ngamnye.
- Ikhrayitheriya yeSakhiwo yona ayichaphazeleki ngumgangatho ongentla nongezantsi.

ISIHLOMELO A: IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU]

Ikhayitheriya		Balaseleyo	Enobuchule	Phakathi	Buthathaka	Bubhetyebhetye
UMXHOLO NOCWANGCISO (Impendulo nezimvo) Ukubekela izimvo ngenjongo yokucwangcisa. Ukubonakalisa ukuyazi injongo, abantu ekujoliswe kubo kunye nemeko. 30 AMANQAKU	Umgangatho ongentla	28–30	22–24	16–18	10–12	4–6
		<ul style="list-style-type: none"> - Impendulo ebalaseleyo enomtsalane, ngaphaya kobekulindelekile. - Izimvo zihlakaniphile, zixhokoxa iingcinga kwaye zinemfezeko. - Isincoko sibekelwe ngobuchule obungaqhelekanga kwaye intshayelelo, isiqu kwakunye nesiphelo zibonakalisa unamathelwano olunemfezeko. 	<ul style="list-style-type: none"> - Impendulo ixonxwe ngobugcisa obukhulu. - Izimvo zinxulumene nomxholo kwaye zinika umdla, bukho ubungqina bemfezeko kwizimvo. - lingcamango zibekelwe ngokwakhelanayo kuquka intshayelelo, isiqu nesiphelo. 	<ul style="list-style-type: none"> - Impendulo iyanelisa ngokupheleleyo. - Izimvo ziyamathelana noko kwaye zingakugquqa ukucinga kofundayo. - lingcamango zibekelwe ngokunamatheleneyo kuquka intshayelelo, isiqu nesiphelo. 	<ul style="list-style-type: none"> - Impendulo ingena iphuma emxholweni akukho lunamathelwano kwizimvo. - Izimvo azicacanga kwaye ezinye zazo zezemboleko. - Buncinci kakhulu ubungqina bobekelwe nonamathelwano lweengcamango. 	<ul style="list-style-type: none"> - Impendulo ayikho mxholweni konke. - Izimvo zibondene azigqalanga ntweni kwaye ziyaphindaphindwa/uthetha into enye. - lingcamango zibekwe xazalala azinalunxibelelwano.
	Umgangatho ongezantsi	25–27	19–21	13–15	7–9	0–3
		<ul style="list-style-type: none"> - Impendulo encamisileyo kodwa akukho zimpawu zakubalasele kubhekele phi kwisincoko. - Izimvo zivuthiwe zixhokoxa iingcinga. - lingcamango zibekelwe zandindaniswa ngobugcisa kuquka intshayelelo, isiqu kunye nesiphelo. 	<ul style="list-style-type: none"> - Impendulo ixonxwe ngobugcisa. - Izimvo zisemxholweni kwaye zinika umdla. - Sibekelwe ngobuchule, kukho ukunamathelana kweengcamango okuquka intshayelelo, isiqu nesiphelo. 	<ul style="list-style-type: none"> - Impendulo iyanelisa nangona kumana kubakho ukungacaci kwiindawo ezithile. - Kukho ukunamathelana okubonakalayo kwizimvo kwaye kuyanelisa. - Kukho ukubekelwa kweengcamango kwintshayelelo, isiqu nesiphelo. 	<ul style="list-style-type: none"> - Impendulo iphumile emxholweni ubukhulu becala. - Izimvo ziyaqhawu-qhawuka ziyabhidisa. - Buyanqaphazeka ubungqina bokubekelwa kweengcamango nonamathelwano. 	<ul style="list-style-type: none"> - Impendulo itenxile malunga nomxholo. - Izimvo zitenxile zingcwecwela kude nomxholo. - lingcamango ziyingxubevange engenamgqalisela.

IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU] (continued)

Ikhrayitheriya		Balaseleyo	Enobuchule	Phakathi	Buthathaka	Bubhetyebhetye
ULWIMI, ISIMBO & NOKUHLELA Ukuhambelana kwethoni, irejista, isimbo, isigama kunye nemeko. Ukhetho-magama. Ukusetyenziswa kolwimi nesigama. limpawu zobhalo, izakhi zezivakalisi, nopelo. 15 AMANQAKU	Umgangatho ongentla	14–15	11–12	8–9	5–6	0–3
		<ul style="list-style-type: none"> - Ithoni, irejista, isimbo, isigama zifanelene ngokugqwesileyo nenjongo, abantu ekujoliswe kubo kunye nemeko. - Ulwimi lusetyenziswe ngokuzithemba, luyathabathekisa. - Ithoni enomtsalane nezafobe zentetho eziphumeza injongo. - Phantse kube akukho nasinye isiphene solwakhiwo zivakalisi, upelo nokusetyenziswa kolwimi. - Sixonxwe ngobugcisa obukhulu. 	<ul style="list-style-type: none"> - Ithoni, irejista, isimbo, isigama zifanelene kakhulu nenjongo, abantu ekujoliswe kubo kunye nemeko. - Ulwimi luchaneke ngakumbi kwaye ithoni isetyenziswe ngokuchaneka kwisincoko siphela. - Iziphene zokusetyenziswa kolwimi nopelo zinqongophele. - Sixonxwe ngobugcisa obukhulu. 	<ul style="list-style-type: none"> - Ithoni, irejista, isimbo, isigama sifanelene nenjongo, abantu ekujoliswe kubo kunye nemeko. - Ulwimi olufanelekileyo ludlulisa umyalezo. - Ithoni ifanelekile. - Izafobe zentetho zinonga umxholo. 	<ul style="list-style-type: none"> - Ithoni, irejista, isimbo, isigama azifanelananga ncam nenjongo, abantu ekujoliswe kubo kunye nemeko. - Ulwimi lusetyenziswa ngendlela ebuthathaka. - Ithoni nochongo magama azifanelekanga. - Isigama sinqongophele. 	<ul style="list-style-type: none"> - Ulwimi aluvakali. - Ithoni, irejista, isimbo, isigama asifanelananga kwaphela nenjongo, abantu ekujoliswe kubo kunye nemeko. - Ukunqongophala kwesigama kubaxekile kangangokuba ayinasihlahla into ebhaliweyo.
	Umgangatho ongentla	13	10	7	4	
		<ul style="list-style-type: none"> - Ulwimi luchanelekile kanye nezafobe zisetyenziswe ngethoni ephumeza ukudlulisa umyalezo. - Phantse kube akukho nasinye isiphene olwakhiwo zivakalisi, upelo, nokusetyenziswa kolwimi. - Sixonxwe ngobugcisa obukhulu. 	<ul style="list-style-type: none"> - Ulwimi lunomtsalane kwaye luyaziphumeza iinjongo zokubhala. - Ithoni ifanelekile kwaye iyaziphumeza iinjongo zokubhala. - Zimbalwa iziphene zezakhi zezivakalisi kunye nopelo. - Sixonxwe ngobugcisa. 	<ul style="list-style-type: none"> - Kuyanelisa ukusetyenziswa kolwimi kodwa asekho amakhwiniba. - Ithoni ifanelekile kodwa izafobe zentetho ezisetyenzisiweyo zinqongophele. 	<ul style="list-style-type: none"> - Ukusetyenziswa kolwimi kubonisa ububhetyebhetye. - Izivakalisi zinobuthathaka-azitshintsha-tshintshwa. - Isigama sinqongophele ngokubalaseleyo. 	
ISAKHIWO limpawu zetekisi. Ukukhula kwemihlathi nokwakhiwa kwezivakalisi. 5 AMANQAKU		5	4	3	2	0–1
		<ul style="list-style-type: none"> - Isihloko sikhuliswe ngokuncamisayo. - linkcukacha zibalasele ngokungaqhelekanga. - Izivakalisi, imihlathi zakhiwe zaziqisiswa ngokugqwesileyo. 	<ul style="list-style-type: none"> - linkcukacha ezinengqiqo zikhuliswe ngokwakhelanayo. - Izimvo zinamathelene. - Izivakalisi, imihlathi zitshintshatshintshwa ngobuchule obuqisisiweyo. 	<ul style="list-style-type: none"> - linkcukacha ezisemxholweni zikhulisiwe. - Izivakalisi, imihlathi zakhiwe kakuhle. - Isincoko sibunjwe ngengqiqo. 	<ul style="list-style-type: none"> - Zikho iingcamango ezamkelekileyo. - Isakhiwo sezivakalisi nesemihlathi sinamakhwiniba. - Isincoko sisenayo ingqiqo. 	<ul style="list-style-type: none"> - iingcamango ezifunekayo zinqongophele. - Isakhiwo sezivakalisi nesemihlathi sigxoko-gxoko. - Isincoko asinangqiqo.
UMMANDLA WAMANQAKU		43–50	33–40	23–30	13–20	0–10

ISIHLOMELO B: IRUBRIKI YOKUHLOLA IMIHLATHI EMIDE– ULWIMI LOKUQALA OLONGEZELELWEYO [30 AMANQAKU]

Ikhrayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO, UCWANGCISO NEFOMATHI Ukungqala kwempendulo nezimvo. Ukuqoqwa kwezimvo ngenjongo yokucwangcisa. Injongo yokubhala, abo kujoliswe kubo, iimpawu/imigaqo yetekisi, kunye nemeko. 18 AMANQAKU	15–18 - Impendulo igqwesile idlule okuqhelekileyo. - Izimvo ziqiqisisiwe kwaye zivuthiwe. - Luphangalele ulwazi lweempawu zolu didi lwetekisi. - Umsebenzi ungqalile uhleli emxholweni. - Kukho ukunamathelana kwizimvo nomxholo. - lingcamango zidakancwe ngobunono zonke iinkcukacha zixhasa isihloko. - Ifomathi ifanelekile kwaye ichanekile.	11–14 - Impendulo ibonakalisa ukuchaneka kanobom ulwazi olunzulu lweempawu zolu didi lwetekisi. - Inggalile ayiphumi nasemxholweni. - Izimvo zixoxwe zadakancwa ngokunamatheleneyo kumxholo nezimvo. - Iinkcukacha zixhasa isihloko. - Ifomathi ifanelekile ineendawana ezingachanekanga ezingephi.	8–10 - Impendulo iyanelisa ibonakalisa ulwazi lweempawu zolu didi lwetekisi. - Izimvo ziyaphuma emxholweni kwaye kukho nokugqwidiza. - Ukunamathelana kumxholo nezimvo kufanelekile. - Ezinye iinkcukacha zixhasa isihloko. - Ifomathi ifanelekile kodwa kusekho ukungachaneki.	5–7 - Impendulo ibonakalisa ulwazi olungephi lweempawu zolu didi lwetekisi. - Zimbalwa izimvo ezisemxholweni kodwa kuninzi ukuphuma ecaleni. - Kunqabile ukunamathelana komxholo nezimvo. - Zimbalwa iinkcukacha ezixhasa isihloko. - Imigaqo yefomathi ephambili isetyenziswe ngokungaqondi. - Kutyeshelwe izinto ezininzi.	0–4 - Impendulo ibonakalisa ukunqongophala kolwazi lweempawu zolu didi lwetekisi. - Intsingiselo ilahleka rhoqo ide iphume emxholweni. - Akukho ukunamathelana kumxholo nezimvo. - Zimbalwa kakhulu iinkcukacha ezixhasa isihloko. - Imigaqo eyimfuneko yobhalo lwale tekisi ityeshelwe.
ULWIMI ISIMBO SOKUBHALA NOKUHLELA Ithoni, irejista, isimbo, injongo/ifuthe, abo kujoliswe kubo kunye nemeko. Ukusetyenziswa kolwimi nemigaqo. Uchongo magama limpawu zokubhala kunye nopelo. 12 AMANQAKU	10–12 - Ithoni, irejista, isimbo, isigama zihambelana kakhulu nenjongo nabo kujoliswe kubo kunye nemeko. - Izakhi zezivakalisi zisetyenziswe ngokuchanekileyo. - Phantse kube akukho nasinye isiphene.	8–9 - Ithoni, irejista, isimbo, isigama sichaneke kakhulu malunga nenjongo, abantu ekujoliswe kubo kunye nemeko. - Izakhi zezivakalisi zichanekile kwaye umyalezo wakheke kakuhle. - Isigama sichanekile. - Ubukhulu becala akukho zimpazamo.	6–7 - Ithoni, irejista, isimbo, isigama sihambelana nenjongo, abantu ekujoliswe kubo kwakunye nemeko. - Izakhi zezivakalisi zibonakalisa iimposiso. - Isigama siyanelisa. - Iimpazamo zobhalo ezikhoyo aziyiphazamisi intsingiselo nomyalezo.	4–5 - Ithoni, irejista, isimbo, nesigama azingqamani nenjongo kwakunye nabantu ekujoliswe kubo kunye nemeko. - Izakhi zezivakalisi zineemposiso ezininzi eziphazamisa umyalezo. - Sinqongophele isigama. - Kukho amagingxi-gingxi kwintsingiselo.	0–3 - Ithoni, irejista, isimbo, nesigama azingqamani nenjongo, imeko kwakunye nabantu ekujoliswe kubo. - Izele ziimpazamo ixazalala. - Isigama asifanelananga nenjongo. - Intsingiselo ilahleke kakhulu.
UMMANDLA WAMANQAKU	25–30	19–23	14–17	9–12	0–7

ISIHLOMELO C: IRUBRIKI YOKUHLOLA IMIHLATHI EMIFUTSHANE – ULWIMI LOKUQALA OLONGEZELELWEYO [20 AMANQAKU]

Ikhrayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO UKUCWANGCISA NEFOMATHI Impendulo nezimvo. Ukubekelwa kwezimvo. Iimpawu zetekisi/ umgaqo kunye nemeko. 12 AMANQAKU	10–12 - Impendulo igqwesile ibonisa ukuqiqisiswa kwezimvo. - Izimvo zihlakaniphile kwaye zivuthiwe. - Luphangalele ulwazi lweempawu zolu didi lwetekisi. - Umsebenzi ungqalile akukho kugqwidiza Kubonakala ukunamathelana kwizimvo nomxholo. - lingcamango zidakancwe ngobunono kwaye zonke iinkcukacha zixhasa isihloko. - Ifomathi ifanelekile kwaye ichanekile.	8–9 - Impendulo ibonakalisa ukuchaneka kanobom ulwazi olunzulu lweempawu zolu didi lwetekisi. - Ingqalile ayiphumi nasemxholweni. - Izimvo zixoxwe zadakancwa ngokunamatheleneyo kumxholo nezimvo. - linkcukacha zixhasa isihloko - Ifomathi ingqalile iindawana ezikhoyo ezingachanekanga aziyiphazamisi injongo yokubhala.	6–7 - Impendulo iyanelisa ibonakalisa ulwazi lweempawu zolu didi lwetekisi. - Izimvo azisoloko zisemxholweni kwaye kukho nokugqwidiza - Ukunamathelana kumxholo nezimvo. kwenzeka ngokufanelekileyo. - Ezinye iinkcukacha zixhasa isihloko. - Ifomathi ingqalile kodwa zikho iindawana ezingachanekanga.	4–5 - Kubonakala ubunzima malunga nolwazi lweempawu zolu didi lwetekisi. - Zimbalwa izimvo ezisemxholweni kodwa kuninzi ukuphuma ecaleni. - Kunqabile ukunamathelana komxholo nezimvo. - Zimbalwa iinkcukacha ezixhasa isihloko. - Imigaqo yefomathi ephambili ityeshelwe okanye isetyenziswe ngokungaqondi.	0–3 - Impendulo ibonakalisa ukunqongophala kolwazi lweempawu zolu didi lwetekisi. - Intsingiselo ilahleka rhoqo kukho intsingiselo iduke kwisakhiwo esixazalala. - Akukho ukunamathelana kumxholo nezimvo. - Zimbalwa kakhulu iinkcukacha ezixhasa isihloko. - Imigaqo eyimfuneko yobhalo lwale tekisi ityeshelwe.
ULWIMI, ISIMBO NOKUHLELA Ithoni, irejista, isimbo, nesigama singqamene nenjongo kunye nemeko. Ukusetyenziswa kolwimi nemigaqo. Ukhetho- magama limpawu zokubhala kunye nopelo. 8 AMANQAKU	7–8 - Ithoni, irejista, isimbo, isigama zifanelene kakhulu nenjongo, abo kujoliswe kubo kunye nemeko. - Izakhi zezivakalisi zisetyenziswe ngokuchanekileyo. - Phantse kube akukho nasinye isiphene.	5–6 - Ithoni, irejista, isimbo, nesigama sifanelene kakhulu nenjongo, abantu ekujoliswe kubo kunye nemeko. - Izakhi zezivakalisi zichanekile kwaye umyalezo wakheke kakuhle. - Isigama sichanekile. - Ubukhulu becala azikho iimpazamo.	4 - Ithoni, irejista, isimbo, isigama sifanelene nenjongo, abantu ekujoliswe kubo kwakunye nemeko. - Izakhi zezivakalisi zibonakalisa iimposiso. - Isigama siyanelisa. - Iimpazamo zobhalo ezikhoyo aziyiphazamisi intsingiselo.	3 - Ithoni, irejista, isimbo, nesigama azifanelananga nenjongo, abantu ekujoliswe kubo kunye nemeko. - Izakhi zezivakalisi zineemposiso ezininzi eziphazamisa umyalezo. - Sinqongophele isigama. - Kukho amagingxi-gingxi kwintsingiselo.	0–2 - Ithoni, irejista, isimbo, nesigama azifanelananga nenjongo, imeko kwakunye nabantu ekujoliswe kubo. - Izele ziimpazamo ixazalala iyadida. - Isigama asihambelani nenjongo. - Intsingiselo ilahlekile kakhulu.
UMMANDLA WAMANQAKU	17–20	13–15	10–11	7–8	0–5